



## Anglerschosen

### Personen



Andreas



Bernd

*(Andreas und Bernd kommen mit einem Schulranzen von verschiedenen Seiten der Bühne und begegnen sich.)*

Andreas : Morgen, Bernd.

Bernd : Morgen, Andreas. Hüt is Mandaach. Minsch, wat gruucht mi wedder vör de Schaul.

Andreas : Mi ok. Oewer dat helpt je nicks. Wat hest du gistern maakt?

Bernd : Ik wier mit Vadders up de Ostsee angeln. Un stell di vör, wi hebben einen däächten Kabeljau fungen. De hett woll hunnertdörtig Pund wagen.

Andreas : Dat is je noch gor nicks. As ik vörrig Woch mit mienen Brauder angeln wier, heff ik 'ne oll rustig Latücht ruttreckt. Un wat meinst du woll? Dee hett noch brennt!

Bernd : Lat af! Lat af! Du kannst leigen, dat sik de Balken beigen.

Andreas : Na gaut, du möckst dienen Kabeljau hunnert Pund lichter, un ik blas dat Licht ut.

## Wörterklärungen

Plattdeutsch	Hochdeutsch	Plattdeutsch	Hochdeutsch
beigen	biegen	däächt	sehr kräftig
grugen	sich grauen, fürchten	Latücht	Laterne
leigen	lügen	Schosen	Geschichte, Streiche